
DISPUTATIO MEDICA

INAUGURALIS,

DE

OPHTHALMIA.

DISPUTATIO MEDICA
INAUGURALIS,
DE
OPHTHALMIA;

QUAM,
ANNUENTE SUMMO NUMINE,
EX AUCTORITATE REVERENDI ADMODUM VIRI,
D. GEORGII BAIRD, SS. T. P.
ACADEMIÆ EDINBURGENÆ PRÆFECTI;

NEC NON
Amplissimi SENATUS ACADEMICI Consensu; et
Nobilissimæ FACULTATIS MEDICÆ Decreto;

PRO
GRADU DOCTORIS,
SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

ERUDITORUM EXAMINI SUBJICIT
JACOBUS NIBLOCK,
HIBERNUS,

SOCIETAT. REG. PHYS. EDIN. SOD.
NEC NON,
SOCIETAT. HIBERN. MED. EDIN. SOC. ORD.

Ad diem 24. Junii, horâ locoque solitis.

————— Questuque cruentus,
Atque imploranti similis.

OVID.

EDINBURGI:
EXCUDEBANT ADAMUS NEILL ET SOCII.

M DCCC.

JACOBO NIBLOCK, ARMIGERO,

DE MONAGHAN;

HOMINUM ET PATRUM OPTIMO;

HASCE STUDIORUM PRIMITIAS,

EXIGUUM, SED SINCERUM,

OBSERVANTIÆ ET PIETATIS,

TESTIMONIUM,

SACRAS VULT

FILIUS,

JACOBUS NIBLOCK.

DISPUTATIO MEDICA

INAUGURALIS,

DE

OPHTHALMIA.

INFLAMMATIO, pro variis quas occupat partibus, variis nominibus gaudet. Quùm oculos afficiat, Ophthalmia nuncupatur, quam hujusce dissertationis materiam selegi, cùm ob frequentiam, tùm partis affectæ magnam utilitatem, et summam formæ dignitatem.

A

Scriptores

Scriptores ferè omnes ophthalmiam dividunt in duas species, nimirum, Idiopathicam et Symptomaticam. De priori tantum, pauca differere in animo est : quia posterioris curatio, a morbi primarii medela, pendet.

Hunc morbum sic definit doct. et cel. CULLENUS :

“ Rubor et dolor oculi ; lucis intolerantia ;
“ plerumque cum lachrymatione.”

MORBI HISTORIA.

DISTINGUI solet hic morbus in Ophthalmiam Membranarum, et Ophthalmiam Tarfi. Prior in tunica adnata, membranisque ei sub-

jectis,

jectis, sita est. Posterior, glandulas sebaceas in tarso, seu margine palpebrarum, positas, invadit; et tumore, erosione, et exudatione glutinosa, plerumque stipatur.

Præcipuum ophthalmiæ signum, est rubor vividus adnatæ, quem efficit vasorum numerus, major quàm in statu naturali conspicitur, quæ admodum turgescunt, et sæpissimè extenduntur in corneam, quúmque morbus diu perstiterit, non rarò in maculas albas desinunt. Quod cùm accidit, cornea ipsa interdum opaca evadit. Cum his, dolor magnus, qui semper præsens est, quocunque motu in oculo exacerbatur. Porro, semper adest pulveris quasi palpebram inter et oculi globum delitentis sensus, luce adauctus; unde oritur lachrymarum effusio magna, interdum adeò acrium, ut partes vicinas excoriat. Hæc symptomata plerumque comitatur pupillæ contractio, præsertim

tim quùm lux admittitur. Adnatæ inflammatio per membranam interiorem palpebrarum superficie distributam serpit; et sic cum tarso communicans, glutinosi humoris e glandulis ibi positis exudationem promovet, qui noctu palpebras conglutinat, manè vix separandas. Quùm vetus sit morbus, visus imminuitur, aut prorsus aboletur; interdum comitante dolore capitis lancinante, adeò gravi, ut membranarum subjectarum inflammationem subesse suspicionem præbeat. Muscæ ante oculum volitare videntur, et pyrexia ac delirium interdum accedunt; sed hoc minimè frequens est. Ophthalmiam epidemicam et contagiosam interdum fuisse, accepimus: Quando epidemica est, tempore vernali grassari dicitur, et pessimis symptomatis stipatur. Est ubi periodicè grassatur, et evacuationibus quibusdam alternatur; non rarò aliorum morborum symptomata observatur.

Ophthalmia resolutione, nonnunquam etiam suppuratione, finitur. Nunquam, quoad scio, in gangrænam definit. Aliquando maculas in membrana, quâ cornea obducitur, relinquit, quæ non rarò per totam corneæ superficiem extenduntur, visûsque facultatem, imminuunt, vel prorsùs abolent.

CAUSÆ REMOTÆ.

INTER causas remotas, quæ ad ophthalmiam opportunitatem efficiunt, præcipua habendus est peculiaris corporis habitus, nempe diathesis phlogistica, quæ ophthalmiæ, ut et reliquarum phlegmasiarum, frequens causa est. Omnia ea quæ sanguinem justo copiosior

rem

rem caput versus dirigunt, vel ejusdem redditui obstant, morbo inducendo habilia sunt. Hujusmodi sunt, fluxuum antiquorum suppressio, corporis inclinatio, ligaturæ collum comprimentes, in pulmonibus sanguinis congestio, vel omnes causæ quæ sanguinis per vasa pulmonum redditum liberum prohibent. Oculi vasorum laxitas et debilitas, unde unde orta, præcipuam ad morbum proclivitatem gignit. Non rarò ea debilitas ab ophthalmia prægressa inducitur. Causæ aliæ sunt, quibus produci potest morbus, sine ulla præcedente corporis conditione: quorum præcipuæ sunt, vis externa oculis illata; corpora extranea, stimulantia five acria, qualia sunt metallorum five nicotianæ fumi, vel corpora mechanica sub palpebras delata; pili ciliares introrsum versi; tarforum inversio; et tubercula palpebris adhærentia.

CAUSÆ

CAUSÆ EXCITANTES

FREQUENTIORES, sunt sequentes; nempe, lux nimis vivida, rerum minutarum crebra inspectio, ebrietas frequens, præsertim si vocis intentio, calor externus et lux opus suum conferunt; quia hæc omnia arteriosum systema ad tam violentam actionem cient, ut sanguis in oculi vasa, ad morbum jam per se proclivia, summâ vi propel- latur. Irritatio, quoque, ab aliis morbis derivata, vel oculi ipsius, vel totius systematis, hunc morbum efficere possunt. Inter tales causas frequentiores, sunt syphilis, scrofula, rubeola, et gonorrhœæ suppressio. Calor et frigus,

frigus, corporibus jam ad morbum opportunis alternatim applicata, ophthalmiam gignere solent. Ille, dum vaforum nervos stimulat, humoresque rarefacit, solida simplicia solvit. Hoc autem, fibris simplicibus constrictis, et vaforum cavo imminuto, quò minùs sanguis liberè transeat, impedit ; ficque oculorum debilitas, alternâ earum actione, inducitur.

RATIO SYMPTOMATUM.

LUCIS intolerantiam efficit retinæ sensibilitas aucta, nervorum sensibilitate vaforumque actione æquè intensis ; et niçtatio frequens quæ inde oritur, vasis adnatæ nimis repletis, oculi dolorem graviolem reddit.

Rubor

Rubor oculi non solum a rubris particulis sanguinis, in vasa, quæ in statu naturali humorem decolorem ferre destinantur, adaclis, oritur ; verùm etiam a vasis ipsiis, sanguinem ferentibus, solito turgidioribus factis. Hinc acutus dolor provenit ; namque eadem actio, quâ sanguis propellitur in vasa humorem decolorem ferre destinata, nervorum sensilitatem auget, ut in omnibus membranis inflammatis apparet.

Lachrymarum effusio omni irritatione excitatur, præsertim tamen lucis admissione, vel tarfi super vasa turgida frictione.

Pupillæ contractio naturæ nifus est, quo lucis radiis ad retinam transitus denegetur, quippe cujus sensilitas sanguinis impetu in vasis admodum augetur.

P R O G N O S I S.

CONJECTURAM probabilem de hujus morbi terminatione prænunciandi causa, phænomenis sequentibus maximam attentionem adhibeamus, necesse est. Judicium nostrum de morbi eventu, ab inflammationis violentia, duratione, et causarum natura, pendet. Si ab ictu subito originem trahit, amaurôsin inducere periclitatur. Inflammatio lenis, quæ vix ultra adnatam et palpebras progreditur, cornea lucida, copiosa lachrymarum leniorum effusio, si remedia idonea adhibita fuerint, terminationem morbi faustam fore denunciant. Pupillæ contractio, muscæ volitantes, capitis
et

et temporum dolor lancinans, lucis intolerantia, magnam membranarum profundiorum inflammationem, ideóque visûs abolitionis periculum, subesse denotant. Oculorum quoque et narium ficcitas, mali ominis sunt ; quia nervorum insensibilitatem indicant. Maculæ et crassitudo corneæ, globi oculi suppuratio, vel ex parte vel omninò, cæcitatem portendunt.

M E D E L A.

QUONIAM hicce morbus duo habet stadia, medendi indicationes variæ sint, oportet. Igitur primò Activam, deinde Passivam, Ophthalmiam considerabo. Partis affectæ turgescencia, vasorumque actio aucta, stadium primum denotant,

denotant, et his symptomatis ferè semper ag-
greditur ophthalmia. Sed quùm morbus diu
manferit, vel post remediorum, in stadio activo
adhibitorum, usum, in speciem passivam sæ-
piùs mutatur. Interdum initio passiva est,
præsertim quùm in senibus accidit, vel in ha-
bitu debili instructis, in quibus nonnunquam
ophthalmia pertinacissima, et certis intervallis
redux, observatur.

Sed consilia Ophthalmiæ Activæ medendi
sunt :

1^{mo}, Sanguinis in parte dolente impetum
imminuere.

2^{dò}, Symptomatis quibusdam molestis ob-
viam ire.

Priusquam,

Priusquam, autem, ad indicationes generales progrediamur, causæ remotæ vel amovendæ vel evitandæ sunt. Ante omnia, sedulò evitanda sunt sequentia; nempe, lucis admiffio, calor externus, et studia nocturna, vel alii visum intendendi modi. Ideoque æger in tenebris profundis semper versetur, quo principio nihil utilius in hujus morbi medela, invenitur, ut experientia docet. Scire tamen oportet, ægrum, postquam in tenebris diu commoratus fit, ad almam lucem paulatim esse reducendum. Ad corpora extranea inter palpebras inclusa removenda, ablutio fluido blando, syringis opè, interdum satis est. Interdum, tamen, chirurgi opem poscunt: alia, pro eorum natura, aliis remediis tollenda sunt.

Consilio priori accommodatur regimen antiphlogisticum. Hoc enim, per totum morbi decursum,

decursum, summâ diligentîâ observandum est. Hoc pèrficiendum est stimulis omnigenis, five internis, five externis, evitandis; qualia sunt, lux nimia, nimius calor, cibus concoctu difficilis, vel e materia carnea conflatus. Hoc regimen summam attentionem sibi vindicat, utpote quod ad morbi medelam plurimùm conferat. Ægro, igitur, cibus animalis prorsùs denegandus est; concedendaque tantùm farinacea et lac, quæ corpus non stimulant; necnon diluentia lenissima, ad libitum, pro potu adhibeantur. Liquores spirituosî et fermentati prorsùs abigantur.

Sanguinis detractio.—Quùm causa proxima perpendatur, præcipua pars medelæ in hac consistat, necesse est. In ophthalmia, eodem modo ac in reliquis inflammationibus localibus evacuationes topicæ, per cucurbitulas cruentas temporibus

temporibus admotas, et vaforum turgidorum scarificationem, unà cum hirudinibus temporibus applicatis, sanguinis quantitatem satis imminuunt. Atqui rarò adhibenda est generalis sanguinis evacuatio, nisi diathesis phlogistica et pyrexia magna adsunt, aut membranæ profundè sitæ inflammantur, præsertim autem retina, cujus symptomata in hysteria observata sunt. Quod cùm accidit, sanguinis missio eò magis prodest quò propiùs oculo vena secatur. Hinc venam jugularem, vel arteriam temporalem, incidere præstat. Admoveri debent vesicatoria partibus unde evacuatio hirudinibus vel cucurbitulis cruentis procuratur, quæ vaforum actionem imminuunt; non quia revulsionem efficient vi stimulatrice, sed quia vim possident partis inflammatae sensilitatem obtundendi: Sicque usus eorum in pneumonia, aliisque inflammationibus, explicari potest. Nam admodum
utilia

utilia inveniuntur, potiùs partium affectarum spasmum solvendo, quàm ferum evacuando. Si morbus sæpe redit, vel aliis morbis alternatur, vel ad eum opportunus est æger, fonticuli ejus reditui sæpe obstant. Laxantia in capitis morborum medela, in omni ævo meritò laudata sunt. Nam non solum humoris aquosi evacuationem promovent, et sic humorum massam imminuunt; sed stimulo eorum ad intestina communicato, ab aorta ascendente ad descendentem sanguinis impetum derivant, et hoc modo, affectiones omnes inflammatorias, præsertim pyrexiâ stipatas, egregiè sublevant. Tamen fatendum est, pro evacuationis quantitatis ratione ea non prodesse, propter causas, quas in generali sanguinis detractiōe consideranda, antea traditæ sunt. Sed omnium laxantium hydrargyri præparationes, præsertim si humores opaci apparent, absorptionem optimè promovent.

Confilio posteriori inferviunt fequentia : In cruciantibus oculorum doloribus, fomenta tepida, vaforum fpafmum removendo, multùm profunt. Ut et tinct. opii, quæ cum jufta aquæ quantitate multùm levamen affert. Lachrymarum acrium, genas et partes vicinas excoriantium, effufioni obviam itur alicujus unguenti mitis applicatione. Quod fi lachrymæ inter palpebras fint inclufæ, ut interdum ufu venit, humore vifcido ex glandulis Meibomianis fecreto, qui palpebras noctu arctiffimè conglutinat, abforptionem impediendo, et irritationem inflammationemque augendo, peffimis effectibus originem præbent. Talis exudatio in omnibus ferè ophthalmiæ fpeciebus, accidit ; præfertim autem, quùm afficiantur tarfi ; et ulcufcula, unde oritur, remedijs caufæ fpecificæ naturæ accommodatis, funt fananda. Sed fi affectio idiopathica eft, inflammationis curationem, et ipfa poftulat, et ad-

hæſio aliquo unguento ſimplici prohibeatur. Si tamen adhæſio manè adhuc perſtat, fomentis calidis reſolvenda eſt; ſcire autem oportet, omnes applicationes unctuoſas pernicioſas eſſe.

Remediis ophthalmiæ activæ accommodatis jam enumeratis, ad ea quæ in Paſſiva adhibentur, me convertam. Ophthalmia paſſiva ſuccedit ophthalmiæ diu protractæ, a relaxatione et debilitate ortæ, quas prægreſſa vaſorum actio aucta ſemper relinquit. Remedia igitur quæ in altera utiliſſima inveniuntur, in altera quàm maximè nocent. Hinc non ſupervacaneum videtur, medendi conſilium in ophthalmia paſſiva indicare; nimirum, partium affectarum tonum et actionem reſtaurare, corporique robur priſtinum reſtituere.

Ut priorem partem hujus indicationis impleamus, astringentia topica, et stimulantia, adhiberi debent. Ut obviam eamus excretioni a glandulis Meibomianis provenienti, et ob acrimoniam morbum diu protrahenti, remedium optimum mihi videtur, unguentum hydrargyro nitrato rubro constans, cui adjiciatur justa quantitas unguenti simplicis, penicilli ope partibus affectis manè et noctè applicatum: cujus vi stimulandi, solita vasorum actio restituitur; posteaque ulcusculorum, unde exudatio oritur, sanatio citò perficienda est. Collyria astringentia, cujuscunque generis sint, utilia inveniuntur; præsertim, autem, ea quæ solutione zinc. acet. aq. et camph. constant; vel aq. distil. zinc. vitriol. et acid. vitr. dilut., quorum utilitatem magnam in Nosocomio Edinensi, ipse testatus sum.

Errhina,

Errhina, humorum fluxum e naribus, partibusque oculorum vicinis, eliciunt, stimulando nervi optici ramulos, narium membranæ superficiei impenfos; et hic fluxus forsan æqualis est ei quem eliciunt vesicatoria, quæ non minùs utilia in hac quàm in stadio activo reperiuntur; nam evacuando et eodem tempore stimulando, vasa, jam debilia facta, pristinum tonum recuperare possunt.

Universum corpus tonum solitum, stimulantium et tonicorum ope, recuperat: stimulandi vi, nihil magis valet electricitate, modicè diuque adhibita. Sed nisi alia remedia cum ea conjuncta sunt, effecta citò evanescunt, ejusque usu solo curatio ferè nunquam perficitur. Cortex Peruvianus omnibus tonicis antecellit, ut constat ex mirifica vi ejus roborante in morbis a debilitate oriundis. Et ne morbus reintegretur, post ejus curationem, in hujus
remedii

remedii usu diuturno perseverandum est. Et si morbus periodicus evadit, ante inflammationis reditum expectatum, adhibere debet. Hujusmodi curationis beneficium in fœmina, ætatis florentis, quæ hoc morbo certis intervallis redeunte laborabat, ipse testatus sum. Eidem consilio inserviunt ferri preparationes. Balneum frigidum, quoniam effecta sua in universum corpus exerit, quo minus sanguis ad ullam præ cæteris corporis partem ruat, impedit, et sic æqualem sanguinis circuitum ubique servat.

FINIS.

